

**ODLUKU**  
**o izboru predsjednika i potpredsjednika Ustavnog suda**  
**Bosne i Hercegovine**

**Član 1.**

Za predsjednika Ustavnog suda Bosne i Hercegovine izabran je Zlatko M. Knežević.

**Član 2.**

Za potpredsjednike Ustavnog suda Bosne i Hercegovine izabrani su:

1. Mato Tadić
2. Mirsad Čeman
3. Margarita Caca-Nikolovska

**Član 3.**

Sudije iz čl. 1. i 2. ove odluke preuzimaju dužnost predsjednika i potpredsjednika Ustavnog suda Bosne i Hercegovine 1. juna 2018. godine.

**Član 4.**

Ova odluka stupa na snagu narednog dana od dana donošenja.

Ova odluka će se objaviti u «Službenom glasniku Bosne i Hercegovine», «Službenim novinama Federacije Bosne i Hercegovine», «Službenom glasniku Republike Srpske» i «Službenom glasniku Brčko distrikta Bosne i Hercegovine».

Broj: SU-06-555/18  
Sarajevo, 31. maj 2018. godine

**Predsjednik**  
**Ustavnog suda Bosne i Hercegovine**  
Mirsad Čeman, s. r.

**347**

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15, 41/16 i 42/17), na 17. redovnoj sjednici, održanoj 30. 05. 2018. godine, donosi

**ODLUKU**

**O IZMjeni ODLUKE O OBIMU FINANSIRANJA TROŠKOVA BIOLOŠKE TERAPIJE ZA OBOLJELE OD REUMATOIDNOG ARTRITISA**

**Član 1**

U Odluci o obimu finansiranja troškova biološke terapije za oboljele od reumatoidnog artritisa, broj: 015-180/7-135/12 od 27.12.2012. godine, broj: 015-180/7-135/12-1 od 13.02.2014. godine, broj: 015-180/7-135/12-2 od 27.02.2014. godine i broj: 015-180/7-135/12-3 od 30.10.2014. godine u članu 1 riječi: „u obimu do 12 osiguranih lica Fonda zdravstvenog osiguranja Brčko distrikta BiH“ zamjenjuju se riječima: „u obimu do 20 osiguranih lica Fonda“.

**Član 2**

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 015-180/7-135/12-4  
Brčko, 30. 05. 2018. godine

**PREDsjedNIK**  
**UPRAVNOG ODBORA**  
Dr. sc. med. Zoran Tošić, s. r.

**348**

Na osnovu člana 96. Zakona o notarima Brčko distrikta BiH („Službeni glasnik Brčko distrikta BiH“ broj 09/03 i 17/06) i člana 10. stav 1. tačka 11. Statuta Notarske komore Republike Srpske („Službeni glasnik Republike Srpske“, br. 51/15), Skupština Notarske komore Republike Srpske dana 01.06.2018. godine d o n o s i

**PRAVILNIK**  
**O DISCIPLINSKOJ ODGOVORNOSTI NOTARA**  
**SA SJEDIŠTEM U BRČKO DISTRIKTU BiH**  
**KOJI SU ČLANOVI NOTARSKJE KOMORE REPUBLIKE**  
**SRPSKE**

**GLAVA I**

**OPŠTE ODREDBE**

**Član 1.**

Ovim pravilnikom, u skladu sa Zakonom o notarima Brčko Distrikta BiH (u daljem tekstu: Zakon), uređuju se pravila disciplinske odgovornosti notara za disciplinske povrede učinjene u obavljanju službene dužnosti notara, disciplinske povrede i njihova kvalifikacija, disciplinske kazne, organi za pokretanje disciplinskog postupka, tok disciplinskog postupka, zastarjelost pokretanja i vođenja disciplinskog postupka, postupak za izvršenje izrečenih disciplinskih kazni i zastarjelost izvršenja disciplinskih kazni.

**Član 2.**

Odredbе ovog pravilnika shodno se primjenjuju i na notarske pomoćnike, zamjenike notara, vršioce dužnosti notara i stručne saradnike.

**Član 3.**

Odgovornost notara za krivično djelo ili prekršaj ne isključuje disciplinsku odgovornost za isto djelo, ako je ono izvršeno prilikom obavljanja službene dužnosti i ako je ovim pravilnikom, drugim aktima i zakonom predviđeno kao povreda službene dužnosti notara.

**Član 4.**

- (1) Notar čini povrede službene dužnosti:
- 1) ako se pri sastavljanju notarskih isprava ne pridržava odredaba zakona,
  - 2) ako potvrdi da se u njegovom prisustvu dogodilo nešto što se ustvari nije dogodilo,
  - 3) ako protivno tarifi zaračunava ili traži veću naknadu, ili ako kao sudski povjerenik vrši pritisak na stranke da ga postave za svog zastupnika,
  - 4) ako uz obećanje da će sniziti naknadu, preko posrednika ili na drugi nedoličan način traži stranke,
  - 5) ako zastupa stranku ili sastavlja isprave u slučajevima u kojima mu je to zakonom zabranjeno,
  - 6) ako ne postupi po pravosnažnim odlukama sudova i nadzornih tijela,
  - 7) ako neuredno vodi poslovne knjige,
  - 8) ako na javnoj licitaciji, ili tokom kojeg drugog postupka koji vodi kao notar, ili kao povjerenik suda, ili kao zastupnik stranaka, kupi za sebe ili za svoje srodnike stvar koja se prodaje, ili kupi stvari, nasljedna ili druga prava,
  - 9) ako obavlja za plaću državnu ili koju drugu stalnu javnu ili privatnu službu, ako se bavi trgovinom ili posredničkim poslovima, ili zanimanjem koje nije u skladu sa ugledom, čašću ili nezavisnošću notara,
  - 10) ako sklapa poslove pod svojim imenom za druge ili pod tuđim imenom za sebe ili ako je stranka u poslovima u kojima poduzima službene radnje kao notar ili sudski povjerenik,
  - 11) ako novac koji mu je povjeren na čuvanje, uloži na svoje ime protivno odredbama zakona,
  - 12) ako preuzme obavezu jemstva ili odgovornosti u poslovima koji se zaključuju uz njegovo sudjelovanje u svojstvu notara,
  - 13) ako za vrijeme suspenzije iz službe obavlja poslove notara,
  - 14) ako ne osigurava rad notarskog pomoćnika, u skladu sa zakonom.

**Član 5.**

- (1) Za povrede službene dužnosti notaru se mogu izreći sljedeće disciplinske kazne:
- a) pismeni ukor,
  - b) novčana kazna u visini od 2.500,00 KM do 25.000,00 KM